

die Schwangern/ Dienstbotē/frembde Leute/ eines Geblüts vñnd Freundschafft/ vñnd solches/ demnach jedessen constellation, potestat vñnd dominum inficiret vñnd vergiffet/ denn welche es trifft/ die müssen fort/ da andere noch verschonet bleiben.

Es ist auch ein grosser vnterscheid vnter den infectivischen Kranckheiten/ den der Pestgiffte viel ärger vñ stärker/ als der anderen/ welcher nicht so gar schädlich/ sondern sich wegen der Natur stärke/ leicht begeben vñnd abtreiben lassen mus.

Voran / vñnd wie man erkennen sol/ daß balde eine Pestilenz kommen werde.

Caput IV.

Antecodencia.

Nun ist Gott so getrew gegen vns armen Creaturen/ daß/ wenn wir ihn schon mit vnsern Sünden erzürnet vñnd verleset haben/ daß er vns dennoch mit so plötzlich vñnd vngewarnet/ ohne gnugsame zeit zur Busse/ in sein Gericht

richt vnd Verdammnis fallen leffet/dar-
 umb er daß seine Zeichen aus allen E-
 lementen/ als Herolden/ den Zorn vnd
 Straffe anzukündigen/ für der Execu-
 tion herschickt/ zu erfahren/ ob wir mit
 den Ninivitem Busse thun/ vnser Le-
 ben bessern/ vñ durch herstliche Abbit-
 te/ die execution abwenden wollen.
 Vñ solcher Herolden haben wir neben
 dem N. Wort/ vnd darinnen beschriebe-
 nen Warnungē Gottes viererley/ Als
 zum ersten Prælagia, zum andern/ Au-
 guria, zum dritten/ Prognostica, vnd
 zum vierdten Vaticinia. Die prælagia ^{Prælagia,}
 seynd des Firmaments/ vnd aus dem
 element Fewr/ vnd zeigen auff dessen
 effect vnd disgeneration, als da seynd
 die schrecklichen Cometen/ allerhandt
 Chasmata, fewrichte vnd Zornzeichen
 in der Lufft/ böse Aspectus der Gestir-
 nen vñ Planeten/ Verfinsterungē der
 Sonnen vnd Mondes/ allerley mar-
 tialishe vnd venerische/ saturnalische
 Impressiones, hisige/ vergiffete/
 aus der Erden streichende Schwa-
 deme/ oder Brademe vñnd Heyd-
 rauche/ vngewöhnlich faul Wetter/

stetige Regen / grosse Winde / vngewöhnliche Wärme des Herbsts vnnnd Winters / vnnnd Kälte Frühlings vnnnd Sommers / des ganken Jahres Wärme vnd Feuchte / erzeugung der Sommerischen meteora, als Donner / Blitz vnd dergleichen.

Die Auguria seynde zum andern / der Chaosdischen effectus, nach seiner infection, vnd bestehen in den lebendigen Animalien, als wann vberhäufftes Gewürm zu sehen / so aus der Fäulung erwachsen / als Hewschrecken / Käupē / Mäuse vnd Frösche / sterben vnd vnzzeitig abziehen der Vögel / vnd etwan deren grosses Geschrey / vngewöhnlich Heulen der Hunde vnnnd Wolffe / sterben vnd siechen der vierfüssigen Thiere / vnruhig Schlaffen der Menschen / des Nachtes / vngewöhnliche Trawrigkeit / Schwehrmut / Melancholy / Pocken vñ Masern der Alten vnd Kinder / allerley Miß: vnd vnnatürliche Geburten der Menschen vnnnd Viehes / faule Fieber / Geschwär / Grinde

Gründt vnd allerhand Fäulungen des
Geblüts vnd Viscerum.

Zum Dritten / seynd *Prognostica*
der Nymphidischen effectus, vnd zei-
gen deren generaten infection, Als
wann durch dz ganze Jahr viel Chal-
mata erscheinen / sehen sie / in deme sie
verloschen / eine mistige Feistigkeit
auff die Wassere / vnnnd solches inson-
derheit auff der See / welche / wann sie
von der Sonnen Hitze volatilisich ge-
macht / in die Menschen reucht oder
gezogen wird / als baldt in den Schif-
fen ein Sterben verursachet / also wann
die Wasser vngewöhnlich anlauffen /
vnnnd sich ergiessen / vnnnd was in den
Pfügen nach derē ablauffung verblie-
ben / balde faulet vnd stinckende wird /
wann die Fische vngewöhnlich aus der
Tieffe treten / sterben / oder in grosser
Menge gefangen werden / oder solche
auch balde ersaulen vnd stinckend wer-
den / vnnnd dergleichen vngewöhnli-
ches.

Vnd endlichen zum vierden / seynd *Vaticinia*
die Vaticinia, die irrdischen Archai-
schen

sehen degeneraten, Als wann viel miß-
 vnd vngewöhnliche Gewächs gesehen
 werden/ auff Bäumen/ Sträuchern/
 Kräutern/vnzeitige Blumen/ als wann
 Rosenstöcke vnd Bäume des Herbsts
 vnd Winters blüen/ so da im Frül-
 ing vñ Sommer blüen soltē/dz Obst schleu-
 nig verdirbt vnnnd verfaulet / vnnnd die
 Früchte vnd Korn wurmstich:vñ fref-
 sig werden/ vnd dieses alles zeigt auff
 künfftige Pest vnd infection, Es wun-
 dere sich aber niemandt/ daß die drey
 vntern elementa, beneben dem firma-
 mentischen solche prognostica geben
 müssen/dañ sie seynd dem obern Fews-
 richten subiect vnd vnterworffen/ de-
 rowegen müssen sie leiden/ was ihnen
 davon influiret wird/ darumb wz Ar-
 chæus Terræ Nymphæum Spara, wie
 es Theophrastus nennet / vnd Chaos
 æris leiden/das müssen ihre empfindet-
 liche Körper necessario mitleiden / se-
 cundam regulam, Quicquid deli-
 rant Reges, plectuntur æhivi. Sol-
 len derowegen wir diese vnd deroglei-
 chen antecedentia nicht verachten/
 sondern

Sondern vns schicken/ daß durch vnser
Gebet/ entweder die Executio verhin-
dert/ oder wir doch in deren accessu mit
Gott vnd vnserm Gewissen also ste-
hen/ daß wir mit fremdigem Herzen/
neben dem alten Simeoni das Nunc
dimittis singen können.

Von Vrsachen der Pestilenz. Caput V.

Die natürlichen Vrsachen/dahero Causæ con-
iunctæ in-
ternæ & ex-
ternæ.
die Pestilenz entspringet/ seynd meh-
rentheils oben bemeldet/ vnd wenige
vbrig/ als wann die proprietates der
mercurialischen/arsenicalischen/ anti-
monialischen/ scamonischen vñ ephes-
merischen Gifte/ durch den curlum
astrorum vel aspectus Planetarū ex-
altiret worden/ so wird das nutrimentum
superioris Sphæræ inficiret vnd
vergiftet/ Wo nun dessen radii hin-
streichen/ vnd daselbst die Luft von
Menschen eingezogē wird/ verursache
solche Pestilenz/rote Ruhr vñ Sterbē/
Also